

皇清文穎續編

皇清文頴續編卷四十三

賦

聖駕四巡江浙賦

謹序

德保

惟我

皇上御極之三十年歲次梅蒙月建提格法

天道之成閏當

孝治之到隆祇奉

慈寧四巡吳越秩山奠川陳詩講武省方問俗行慶

施惠庥光懿烈超軼曩軌

臣

漸謫陋不獲躬承

扈從之末蹈德詠仁葵忱莫罄謹依古者有舉  
必書之義敷陳斯賦典期徵實文不加藻庶以

奉揚

盛美垂示無極其詞曰

懿

帝德之遐被體乾行而出治集純嘏於

璇宮錫羣生之嘉瑞稽令典於

三巡揚仁風於必世是以洪鬯之席上蟠下際天符  
地寶應期畢至玆埏埴壤靡所不屆則有吳越之域  
夙稱奧區斗牛振光於霄漢娉女揚采於雲衢緬泰  
伯之啟治稽無余之肇都控坤維之旁礪固廣莫而  
縈紆近接閩壩遙通楚岫大江距其前靈澥承其後  
姑蔑東甌環其左豫章太末拱其右瀉以五湖之巨  
濤絡以三澗之迴溜或灑潄以旋環或淅沚以激激  
中百邑與千城恍龍鱗之錯繡嶺谷盤迴溝塍刻鏤

曼曼綿綿包靈孕秀亶觀其列肆般繁交衢廣袤縹  
組駢羅珠璣輻湊充菰稭之腴擅蜃鹽之阜斯皆受  
休養於

熙朝爰以致豐盈而儲美富往在歲之重光亦越疆  
圉元默

天子嘗三幸焉闔澍匝洽隆儀便蕃英聲茂實遐邇  
敷宣山祇散靄以迎蓋水后淳波以送舩自

清蹕之迴御彌復企踵樹頌如葵藿之傾扶光而衆

星之拱北辰也時則協氣所蒸降康連歲旬雨條風  
玉燭告瑞野獻雙歧郊呈六穗春符嘉葵之占秋吐  
華黍之吹驗民悅之无疆冀

帝輝之重被迺有岳牧重臣封疆大吏徧聆衢謠上  
陳封事皆曰江浙之民浹於文德聚爲惻悞翹戀

天顏宛然孺赤宜具威儀徵輿冊揚洪輝布顯業復  
降

翠華惠此南國庶以宣鬱結之情而踐隆平之迹乎

皇上於是穆然深思畢然遠慕謂忤望之難違抑紛  
華之滋懼

頒明綸於九天尙敦樸其是務卻纂組使莫陳屏雕  
幾俾勿御帷宮旌門悉仍其故黜侈澹華返乎淳素  
留秭總於連艘裕泉刀於少府加烝徒擁楫之直減  
期門負羽之數蓋

大駕未發而隆施已遍於下土矣逮乎履端初歲春  
旛乍迎留熟紀運兆占三登閭闔晨啟天清日明

上迺詣

璇闥翼鳳駟道旂九九玉鑾揚聲以時啟行夫何搏  
搏總總鷹隼而鸛視兮羽林倏飛之夙興也僦僦翼  
翼鸛聯而魚貫兮後車文學之從征也遂乃命豐隆  
以戒道役屏翳以清塵勅堪輿使護野屬方神以梁  
津羲和肅其前驅結璘承其後輪填填焉隱隱焉萬  
乘千騎以孟春誕發乎

帝京迺出畿南輕冰乍泮火樹銀花式張春讌迺歷



山左協風初扇桑枝麥穎交敷芳甸於是渡翁河溯  
邗江涉京口過朱方稅乎姑胥之士轅乎武林之邦  
迴途返軫憇乎建康然後俄旆按節天旋雲翔指彭  
城之逶迤謀奠麗於水鄉蓋南人何幸而屢覲  
天子之光也則有庶尹風馳多士霞靄肅肅章綬婉  
婉襟帶式迓在途從

皇于邁至如蝸髻秀童鮐背耆艾佻路歡呼焚香萬  
拜仰

帝顏之有懌越歲時而無改凡裊袂成帷舉衽成蓋  
羔跪黿忭羌不知其幾千百輩

聖心式燕顧而樂焉憩息乎昇平之苑儲思乎人情  
之田彼夫甘匭和鼎之芬烈芝栢藻井之雲連異卉  
文木珍足錦羽之羅列激波吐輝植虎引羝之喧闐  
凜

申儆於先甲曾不十陳其二三且夫

聖人舉事必爲典常施恩務期博濟頌天保者何福

不除勤民依者何仁不既是故

躬詣海塘榷築具舉力引滄波中壘直赴可以見砥  
柱之固焉黃流如帶並歸

指授荆橋蜿蜒洩宣功奏可以見安瀾之久焉

天仗所過迭蠲賦稅除復之數溢於格外可以見卹  
農之惠焉矜慎庶獄薄辜是釋民用知恥往勤爾業  
可以見好生之德焉存問高年金帛優賜眷念舊臣  
榮及孫子此尙齒之禮吾

皇舉之所以宏福祉也授簡明試科目是耀增額拔  
尤歡生學校此作人之教我

皇行之所以廣德造也乃若百寮載見曰求厥章加  
秩進律維有慶之在乎入疆外祀咸秩用幣奠璋百  
神受職維明德之薦乎馨香郵程按期章奏是將  
行殿勤治提挈化綱維大禹之勅乎幾康與周文之  
日昃不遑至於

聖藻流布藝林共珍智仁妙契與時俱新粲粲油素

峩峩貞珉婉彼法象昭回成文此又吾

皇上聰明天亶擴古而絕倫者矣於斯時也雲紉縵  
兮雨霽霽三儀合兮嘉祥萃方獻輿兮圓錫蓋歌祝  
陳兮士女會化隨旭景兮俱長仁與江流兮比大然  
而

聖人猶且示撝謙持盈泰存如傷之懷稟朽索之誠  
惟是導揚

懿徽推廣

慈庇明讓善之文擴承歡之義俾春臺之共登宣孝  
思之不匱故足酬億兆之望而基邇隆於億萬載也  
謹作頌曰

天作

元后九土皇之

帝勤兆民順時康之康之維何古有懿典侯不邁哉  
八九登踐

皇帝曰俞惟民是圖一游一豫厥澤載塗匪惟澤之

又滋殖之使自得之我民時乂之隰則有桑隴則有  
麥

玉輅逶迤清問是亟飽德飲和九埏一春上壽壽世  
曰

聖母之仁我仁遐敷我義肅展興禮盛樂貞明貞觀  
上治旣成景福是膺登三咸五繼繼繩繩

聖駕四巡江浙賦

謹序

汪廷璵

臣聞泰元司運而健德行曜靈麗照而貞明久  
恒軌所順必與日新觀古帝王昧旦丕顯懷至  
寧之永圖又以耳不達於幽滯目不燭於僻阻  
一夫不獲時予其辜巡狩之禮序書昉焉五年  
六年十二年因監不同揆義一也我

皇上正位凝命匪居匪康越十六年迄二十有七年  
三幸江浙自西自東僅邀



一再幸維江浙之民爲寵多恪恭上籲

天子咨而俞之歲端蒙作噩孟陬月之吉奉

聖母皇太后四舉巡狩禮展義行慶有加無已若江

湖河海周爰

躬度非隄使水官所克蒞事矧政治之得失與夫俗

尙之美惡必世後仁經在孔佐

屬車所莅庸采而知者唐哉尙已

臣

竊念三代雖

盛其幅員遠不逮今巡歷易徧而序肆夏般之

頌者以爲秩祀河海省方所事鋪張揚厲景爍  
不窮若以擬

聖天子率

祖攸行勸相勞民之至意孰能與於斯乎夫

上之功德遠邁於有周而譚藝於後人又不及周人  
形容盛美之作然且敷陳揚挖動於不自己者  
春雷鳴而蟄蟲啟太陽翔而時藿向物誠有之

人亦宜然矧臣忝與記注雖未獲陪

蹕自南乃聽觀所及敢拜手稽首爲賦以獻其詞

曰

鴻濛堪輿地力俯負崑崙迤東州壤錯繡火維所苞  
榮星紀所亘表蓋灑沉澹菑率土可選而居維揚亦  
都會所聚富庶禮義甲乎台宙昔執帛妣王獻圖媽  
后馴至我

聖祖史紀六狩用轅上儀聲實英茂於

皇紹庭體天健行西陟二華五臺削成北蒞諸部東

瞻

陪京以豫

慈寧曰重光乎巡南中再至而格遼人三至而曼壽  
觥方春始和觀民采風事勿改於周岳期勿忒於  
省耕且夫南土田下經涂匠軌蓄迺備旱洩不揀水  
丁壬之初偏災載紀

再巡三巡遲之又久食惟民天

皇用至喜茲不有增美者歟十榦更九熟兆糧栖畝

不傷糶乞漿得酒發馨普淖歌合則春融汗灑則雨  
漂殷繁悅康油油沃膏燠曰

上昭格不違豈文號云爾哉守臣入告屢省乃成俾  
爲民勞

詔簪吉於靈臺歷上辛之煙燎曰敬

天貴農儼然將事而後祖道焉主兵鈎陳禁奸八神  
青陽藹以導

蹕勾芒穆以扶輪翳兮清霄之晻曖煜兮浮景之朏

昕綵旂翠旌招搖歷雲渠黃茲白驤騰絕塵停

輦趙北落燈續春遂歌乎卷阿攬思乎橫汾二東牙  
錯

三殿式廓弗勝馨鼓子來孔若丹飛綺結掩映華蒲  
植芳茹之倒披架藻井之遠擢明堂七十二牖曾不  
得以擅方嶽

天子愉愉焉覽景物之懿爍豈泉林之昕夕朱提磊  
落

賜佐將作衍乎東藩之郊偈乎南紀之絡其山則延  
延蜿蜿宮霍邐屬單椒複岑秀澤出沐明姿在岩靜  
理滿谷匪雄長乎兒孫或栖遲乎列真厥有幽榦嘉  
植佶屈蟠蜺綴瓊鏤采迴寒揚暄微香濛濛飄颻其  
間地脈迸逗正濫側沈淳涵渥滋滂洋漣漫闕耀吐  
彩載娛

宸觀其水則洪河怒厓里千曲一通波清淮竹箭激  
駛轉騰徘徊岷導江介圓淵九迴挾漢受宗塹天畫

圻錢唐冒母萬弩是施矯焉驚翔駭然馬馳吳越根  
角三江襟其隈震澤底定天寥壑歸彼望洋之不以  
蠡勺量也二甕搜搜海童是覆北爲鹽官錐隱曲防  
巨波齧其涯飛濤圻其央駢田芻芻呀呀蹒蹒曰水  
土石相持相戕萬礧輒而屑麥千釜沃而沸湯邑居  
其衝下游劇旁嵯竈匝井野迷濛危乎鉤之引髮  
輦乎土之徹桑

帝嘗簡岑樓而望之十有餘載南不患會稽北不患



鹽倉順趨中溜永爲民慶旣而漲汎遷護沙刷屬薪  
之隄控制樞牽外則槌杙不居性與水活內則非常  
民懼桑稼陰翳用中執兩增美勿失前者雖紆

指畫乎未陰雨而綢繆之守者不必無忽也爰乃發  
昌亭道嘉禾憇平泉之園扳麗譙之阿焜耀

左蘇透遲

翠華有海皓皓方塘栽栽議曹版築聲施實多石篴  
之所測驗竹筴之所駢羅龜麗鱗次下坦水勢爲數

郡衛有三層之瓊瑋焉爲全城蔽有四百六十丈之  
增置焉若夫冤徐之交重湖蕩激潏洄潢漾澎湃  
湫兮隆赴空瀾野漫宅竈產乎蛙部戶鄰乎雁迹多  
嘆妙豐上腴迴瘠秦郵八寶襟其南南陽昭陽帶其  
北西浴豐沛東浸滕嶧厥有石梁離坎弦直涵吐百  
餘孔亘綿數千尺溜奪水逝波回沙渟肯坐照於  
法宮眷輿杠之受成江湖所治營自丙丁利涉未病  
節宣斯均先二年

咨隄使而行之先三年

駕俞騎而奠之將來效而程之胥往績而徵之天行  
雲轉黃樓載經乾坤端倪八表豁呈迴

重瞳勤

聖躬含大入細樹臬淵冷察洄上與湫下差秒縮與  
寸贏邇則排日遠則隄年遠猶辰告咨予水衡

天有成命碑材突撐賈讓不能贊張載不及銘落虹  
夾鏡斯怡

皇情有尺土不可耕者哉於是周覽乎郊野大田允  
臧屯雲閉陰泄雨敷陽鮮者杭紅黏者糯黃揚馨作  
甘胎茲把秧爰藪財賦飛漕太倉木棉綴鈴幄連女  
桑順時沐芳衣被四封維女紅而夫農答宵旰於職  
皇至若都邑之內金墉石城萬堞櫛比莊廛四達稠  
不旋騎厥民化遷粥滯舉廢文鉞碧砮木難毒瑁效  
海綃於織作競神針於繡刺熬波劑券沐浴周賚華  
胄秉顧陸汗牒溯虞魏戢晉冠蓋蛟蛇甲第仰

列聖之養恬躬率循乎禮義矧

闔澤之覃敷貽富教於萬禩中有一二國老韜榮二  
疏山水方滋淳淳于于昔九老是圖故秩晉乎公孤  
賞延乎稚孥粟七表之丁婦幣百齡之師儒堂乎壽  
域充乎德符

德心鬯洽典舉惟正歲供斟酌循拊

輦道所經減十入五慢城所駐有施無取遠稽逋租  
旁覈帑滙漸爲民休毋或吏飽同律度量衡命市納

賈靖共爾位六聯官府膠序嶽嶽人自祓濯登貢於  
廷成均講德其尤則奏賦之髦陳詩之宿炳麟藻緼  
如駟之頌四巡者數百有餘輩

帝親試乎行幄閱人閱世壽考所作四民阜成

皇武攸肄陣餘腥卷旌旆淬鷗鵠著犀兕三鏃舍八  
觚厲若期門欽飛票姚果毅駢衍肅侯箕張翼舒魚  
貫雁次礮車上轟左右一氣雪然霆驚訕然嶽峙翕  
眉揮霍能不極試觀者已腦眩而心悸他臨水而張

嬉軍政樂其大備偃伯之休解網之義容裔平島嶼  
儲與乎浦內陟崇基俯廣原度靈囿搜秘巒發

天縱之奎藻樂

睿德之智仁振卿雲以散彩曜日華而騰文英辭光  
誦言葩搖芬曩

三駕所賡往往而存頤轡廣陵弭節焦阜聖湖淪漪  
寒山黝糾棲霞龍井明秀天造迺有裁杏爲梁倚松  
成閣累樹霞起疊檐翠落丹牖竊窳以藏煙華闥璫

環而映瀑光歛滌以熉朗香苾蒨以恬漠抗亭亭而  
苕苕象

皇居之孔穆經營者不煩掃除者已略

上方捧瑤竽嘏

璿宮愉乎孝思熙乎婉容仰奉

睟穆怡怡雍雍方枝計式後車實從紆縈娉嫗趨超  
蹴驥獻其長技魚頡鳥跄握繩步虛各奏爾能侑侑  
聊聊若抑若抗因茲以張樂授筵大啟



珍殿綠玉之磬懸鈔鐘之虞建箭韶九成咸英九變  
酌以流霞之釀侑以蕙蒲之膳東皇爲之迓釐南斗  
爲之上獻然後合萬歡

豫一遊大尊養賡允猶雖淵雲之侶班張之流誠難  
得而諧桐鼓之曲章迎

鑿之休也於時皓髮扶杖黃口曳鞵士整其衿農輟  
其耒相與側肩聯襪而稱曰崇哉乎

聖業鶴望之誠慰蛾伏之情愜嘔嘔欬欬陳義時協

天子顧且淵然假思謙讓未居赦小過頒大酺爵一  
級協職居守祠墓民不偷秩祀岳瀆百神奉塗維夫  
所以貞柔祇荷天衢衍泰運徵福疇集三靈之蕃祉  
宣九德之盛謨介釐

壽康方舟載杭浮會通旋上京故恭已祇莊開九闔  
垂衣裳

聖駕四巡江浙賦

謹序

秦大成

臣  
伏睹我

皇上膺祚以來統攝道化類錫

聖釐稜威愴乎二萬里醲化浹乎三十年興禮盛樂  
坐致泰和然且勤恁民依无逸作所

屬車天行西臺東岱中升於嵩南浮於大江者三  
飛甘布和上邕下泝延跂之屬日相欽愉戀思  
置吏入告

上俯俞厥請迺以乙酉之首正恭奉

聖母皇太后安輿

四幸南服夫圓靈健行而卿景異瑞富媪時行而車  
甕日新其所以彌綸者密故表見者殊也

皇上下征祥習動準初儀然而禮頓撤使扈從減制  
烝徒增給優老則賞必世延賜租則澤必下究  
育才則進不拘格至於東河告翕靈海息波猶

匪

堯咨重諂相度踵建隄防渠前規後萬禩賴之然後  
知

聖天子繹思基命以莫不增而孔佐所經斷以必世

由今規昔千載一時

臣蒙被

特恩濫廁詞館咏歌

盛儀是其職志竊考宵雅車攻吉日諸詩盛言選徒  
數獲之事至時邁般之所頌懷柔河嶽其詞累  
賡而式序之典臚陳未悉豈揚扈者之簡於辭

與抑其時地狹民質本無藉殊施絕典而已足  
炳瑋來葉也今

天子巡令所及揜雅合頌燬不殫書竊不揆固陋奏  
賦一篇以導揚

聖清之德於百一焉其詞曰

歲端蒙作噩

詔以孟陬初吉于南

四巡蒼祗禕已誠路大丙趨以扶輪夏諺之聲雷動

康衢之屬雲轡

天子齋居儼然將有事於

郊禋儲精遷思申

命禮臣穀者木屬辛曰悉新礫送寒畢泰族未春用  
改卜於幾望逮受釐之嚮晨然後千乘萬騎綏綏焉

莘莘焉

躬導

大安之興誕發於

鳳闔爾乃河冰解腹冬霽被田嘉貽發之翠苗羌棱  
分而剡連熟留兆歲歌豐屢年俞騎紆避

天容罔然浮厯三輔際趙垂燕芳淀明瑟園楊未煙  
是夕燕九月波駐圓火城四圍懽聲路闢發

天倡之穆餘而從臣以次賡焉

帝訓先甲式是彝軌翦茨架蒿毋祓毋後彼大東之  
民駢肩錯趾紛莫禦夫子來矚三殿已如歸亦規亦  
臬不崇不庠天窗四安日月表裏頓素壁而雪淳冠



層檐而霞起鶴望旦夜我

皇莅止軫靈臺之經營功旣成而弗毀愧寸椽之匪  
毗拜帑金而汗泚猶河遵淮達乎江陬時則永晷舒  
和芳郊吐柔播協風若傳遽行淑氣若置郵華桐蔭  
於丹岫新萍冒平碧流鶯羽擲圓吭於密樹蕙心展  
逸葉於平疇猗勾芒之頓軌閏盛春於來游於揚則  
蜀岡延屬華堂洞開面朱方以遐矚紛江山而自來  
金焦亭亭青縈翠迴采嘉聞於玉帶憩諸天而裴回

於吳則婀娜靈巖峭蒨天平飛雪千尺銅井銅坑搖  
香作海觸石自聲俯五湖之萬頃緬玉柱與金庭迺  
幸武林靈越所康聖湖之陰曲江之陽有井勿幕震  
鱗是藏睇回巒之互氣泝曾波之交光寫魚鳥之恬  
逸奉

宸豫於未央迺

幸金陵龍虎踞盤華芝峒崑切雲見山葭氣朝蒨松  
濤夏寒千佛林立交迎

玉鑾倦華林之不遠協孔性於流觀且夫典必宗廟  
諷必邁初帝者道德太平豈耳目之爲娛哉下究者  
靡日不又上報者何福不除使徒習彌文循昔謨則  
一至而已勤再至三至而益劬奚延頸內面而敬後  
者歆歆嘔嘔翕翕如也是故醞渠捍海沈牲薦璧此  
聖祖之明德而

皇三巡所以底其績也有德有造泚我泮芹此

聖祖之作人而

皇三巡所以廣陶甄也加惠黎耆懷金抱帛此  
聖祖之錫福而

皇三巡所以宏壽域也經途捐稅若沛時雨此  
聖祖之省助而

皇三巡所以德施普也然而四溟滂王而挹注殊二  
曜貞觀而輪珥異至今日而神禹之德難言智姬文  
之仁難言至者易觀化於久道孔徵仁於必世

聖人中正純粹以美利利天下而不可思議也則有

靈瀆四漚淮波刷黃澍可澈鏡榮必耀光湖入江而  
順軌俾下游其用康鹽官有倉北亶孔偪隄抱郭而  
蜿蜒山負海而漚沚勒迺屬薪堅迺伐石荆山有湖  
灝衍徐域一梁跨之厥實涵百準水勢於杪分告啟  
閉而奉職湖海治焉衽席置焉民功旣成振士氣焉  
青青佩衿師儒廣厲貢諸成均新邑一視奏賦僉僉  
蒐及金箭曰身曰言於今並獻乃

眷國老加秩是榮施爾孫子工歌鹿鳴量減三五往

亦薄征今撤計簿雨施風行然後厲師武杖麾鉞飭  
吏治勗棠芟赦薄胥予濯被走羣望膏薌潔修祠墓  
彰往烈議易名風時哲洋洋乎恢恢乎道光乎六幽  
化格乎九垓邇陞遐泳頌

皇之徠陸獻衝波冬謹聚雷此豈初儀所能該也哉  
百禮懃矣萬樂殷矣

祖武繩矣

慈慶輶矣乃

御黃屋建朱旂以薦櫻之辰返

駕乎京師

天子於是開雲龍之庭挈天綽提地維端拱垂衣懽  
乎自持薰風自南彈琴應之萬有千歲

巡典協期以惠我南土以洪我

孝禧

聖駕四巡江浙賦 謹序

吳省欽

臣聞巡之言循也徧也帝者巡所守之功仰觀  
斗車撫辰度方健行不息其季迺間巡焉欽惟  
聖天子稽古設巡于南

三駕茲納江浙臣庶請以三十載春月諏吉祇侍

聖母皇太后安輿四展初禮按推誼軌彌劬日崇于

廷于野萬驩聲頌考頌之時邁般體頌義賦系

賡弗諠劉向言賦者不歌而頌班固以賦者古



詩之流敷陳德儀斯綦亮已臣昔與迎

蹕奏賦通籍既厠詞館睹今日之盛庸弗揆區區借

賓主問答之義拜手稽首爲賦而獻之

有飲和處士者大袞袞衣行步偶旅蹕敷床史臣之

廬而諮曰觀方上儀也省耕令時也吳會古外切大都

會也撫靈宇毗道河與海叶也今

天子四幸自南蒙竊耳其概焉語不繼富記必足財  
不足不給補助允懷非乏而振樂迺倍已惠以經費

費已太已且蒙聞君出以事昭龔萬龔黎獻扶服闕  
咫尺末從彼豪傲興采御宿幔城禮頓者體也今撤而  
弗使九賓臚朝四姓期門扈行者制也今覈而弗備  
漕征轉輸賈行懋遷輟待者義也今濟而弗避益下  
日隆上奉曰綱子亦奚以裁與史臣听然而笑曰有  
是哉客所謂撫筵叩鍾嚮未覩

三駕之繇而茲復以悞辭相咿嚶也僕嘗鏡夏諺之  
度侯肄周詩之對哀帝者道德泰平祥習卜征曰爲

天循行羨衍歆愉淳淳于于禕如翕如如谷王不加  
淳而齋滌者恢叶泰元不加健而留霍者周叶僉倝  
志而卽

俞非若歲丁壬之先庸後命需也僉攀

駕而稍留抑宗河海若之靈先後職厥休也昔在我  
皇祖福應縣表湫湄江介僉旅

六狩觀河受圖帑不計數叶

上儲菁遷思嚴然思

祖武必上繩民勞必下究權十大稔迄今億我多又  
壽國慶乎介觥妝邊事乎脫胃又以聽履高而思遠  
生滋衆而躋副典陋邇而易數務當先而加懋茲謠  
可允茲事甚盛在端蒙作噩

皇祖之五巡甲周復始懋懷

幸焉先春五日太族迓律臺史練吉

皇曰徐之毋用辛在臘升燎禋禋易鼎孔洽藹蒼威  
之御輪𠂔

九重之啟閭翠旂飀雲瑤蓋縵天素蚪識塗屬車司

南

叶

郊萌翠藝三靈潤阡趙北燕九燈暉駐妍奄大

東之竟翼

新宮乎毗延不崇不庠成功不毀靡景川畧德水瀕

泉林攬星紀歡呀來迎搏總側趾謂揚域豈列州儼

屢豐豈下熟等

叶

留熟燐辰惟

帝至喜然後山川賁祥凱乎哉五風吻昕祁乎哉旬

雨霖濛

叶

釋華覆案鼉梁楫烝徒謳棹郎河公率軌

有淮汎黃發射陽似廣陵截大江  
轅蘭陵料平吳闢  
考嘉禾之錄偈乎鹽官之塘塘身言言闢海北暨漠  
京華信扞振作鎮錢千土斛肅肅旣斃貞觀載營記  
里二百

帝一再至而辰告叶之三至而

躬度之縛芻糗薪建標極杙象取良成義演柔克驪  
前事其勿忘匹三載而考績俟百常之郭門坦三會  
之槌石利賴隅海與庭不知萬有千億若迺泰河滄

漶二洪醜沈既平原隰榮輝夾昂精戾

叶

開彭門流

告翕充徐壤裂湖天影合鄰山微山混滕汨魯冬曆

夏雷尾閭靡所壹梁作雄伯寶相壯分寸度竿劇歧

赴渠節宣洎時匪璫繫鉅上游按堵下游集敷

叶都

水弗遑厝隄使弗遑輔

皇眷而俞之興言度功底績來許旦以產鰭魚少以

熟釜料水穀府六後樂先嘆舍陸僚津方舟儼儼八

牖膠葛五汶潤淦轉粟泰倉雲帆倜飀踐溫洛之匪

誣鑒橫汾之失儉古牧人展義之主能歷茲其福歟  
歟且夫禮莫時於詔巡食去莫慶於取陳孟所過而  
觀化孔必世而誦仁嚮邨貧之食旰茲資富之伴彘  
嚮泛舟之請急茲賜醕之注挹彼輓者漕彼丁者調  
彼艸者耗彼鹵者竈其普存也如陰雨被宿膏其博  
施也如翔陽掛遺照

上曰王制通三十年首途予半中宿予全多寡新故  
豁然霽然先有躬謁黃衣膺服銀鑒去鮐背梨色曰



數百人夾道扶杖而聽

詔其中百有七歲官師黌校者倡彼三老子弟軒僂

逸超

叶

穀老載盱二州耦俱家光國禎退傳巽諸施

爾孫子溫溫桑榆矢詩不多吮甘醞酌誕金箭之民

秀頗斟量而鱗聚

叶

家虞魏之昆戶王謝之胄染學

述誦

皇第嘉頌制舉倍羸稽首洞洞類宮思樂澤宮命中  
閱世克生蚩乎風動若作方伯納筦抱籍纚纚金烏

若作連帥張甄拔隊輻輳竹韞漁商容裔而擎舟石  
農柴虎而輟耨侔蠡三致準然七籌熬波積山要劑  
泉流羌有事而斯榮矧在因而易程紅橋禡矣金焦  
誌矣師林繪矣銅井憇矣龍泓試矣攝山記矣方將  
著馴攸能妍媸踵麗邁臺沼乎姬樂尙山梁乎孔時  
叶數跬一幕百武一亭疎市景翳幽巖夜明錦則虎  
文魚油鐙則荷缸蕙簫衆音轉越妙香自柔紛偃子  
之將將勾鮑老之跣跣叶鬱華鵠而不下輶伯辟而

不留然而

上仍貫綴章先詔罷去道固爲游情田思居

叶逖泳

聖涯邇襲

慈豫青韶裴回閭卯司度信花守跼候鳥易曉春人

滿闌春物填野

叶

扳輦忻稽送蹕恐遽蓋

安輿旋乎法宮而薰軫叶乎初慮皮犒博焉工廩沃

叶焉柴望灼焉鄉社獲焉廢籍酌焉譴狀削焉迺級

百司迺謚雅材迺舊學筐之羅之迺宴外侯蕭斯

露斯故曰膏屯者不知藏富於民志睽者不知勸勞  
以身美觀者不知制用以節取盈者不知致養以坤  
客試思酉有秀成之義乙爲奮軋之神推  
龍興者百八十載推定

鼎者百二十載推

皇祖之五巡六十載推歲元默之

巡三載而紀元在三十載大備小備天道周星和會  
所極保合利貞不然豈不知富歲之母議蠲而釋騷

者曾是爲夸聲耀靈也哉言未旣處士灑乎改儀離  
席請退曰走實禱昧今迺知

上之巡典繇單厚而罔艾者於是乎在已賦以敷之  
頌以容之頌曰

維地數四四極四和推穆清兮駟頌四巡朔南西東  
慙鴻稱兮萬物相見于南

帝臨莫不增兮一而再三章舊命新瑋斯今叶兮疇  
演中五羣跂以俟載展軫兮詩義斷章

皇資匪般臣拜賡兮

聖駕四巡江浙賦

謹序

吳省蘭

臣

謹按吳越當禹貢揚州之域宜普淖蕃無殷  
庶財賦甲天下

列聖以來衣德飲和民生敦庥而淳固昔

仁皇帝嘗六幸焉湛恩汪濊利澤在生民歌詠迄今

勿替

皇帝紹乾闡繹錫羨拓統桐生茂豫墟處霆聲併懽  
所及涵泳

聖涯咸延頸跂踵冀時覲

天子光江介近在南服自十六年二十二年二十七  
年來望

幸弗懈祇益虔比者時和歲豐庶物育阜室有貫朽  
之錢隴有棲畝之粟甌窶汙邪旣盈旣盈閭澤  
曼羨若享太牢

雲日之思融融如也於是大吏以下情陳

制曰可爰以乙酉之春孟陬吉日



親詣

慈寧宮恭奉

皇太后安輦南巡狩仰述

祖典俯順輿情省衛簡扈羣倫肅穆

龍旂奕其蟬嫣虎賁輅而情嫋燥德布凱汜濩霑  
渥杖藜驟篠扑僂恐後

宸顏澄霽祇莊雍穆之容就瞻者謂滋之粹減租賦  
復徭役登畷良視往者

省方盛典有加迺續禹之績巡歷河海密畫敘工織  
悉周綴自啟

蹕泊迴

鑾遊觀以節隴市不驚蓋保泰持盈勤卹民隱亘古

未有也

臣

欣逢

盛際雖妍鄙不足以文然嘗誦肆夏殷諸詩竊取不

歌而頌之義作賦一篇謹拜手稽首以獻其辭

曰

粵若稽古帝嚳元升德丕冒函夏府事敘飭暢垓泝  
挺懋登庶績爰述成憲巡河刻壁匪裒對之是旣用  
圖大而中宅懿吳越之在東南也元枵臨其次婺女  
寄其曜鎮會稽之穹窿敷具區之窳突踰究躡荆控  
閩甌而距海嶠爾其山則岑嶽蜿蜒巘嶮峭嶸運裒  
穿浹泐嶢嶺啗玉堂石室列真所庭水則戾輪激軸  
滌瀨溢洪軋盤涌裔汨澮翕瀧激灑今若匹練之搖  
浴崖沓兮忽驚霆之走空四瀆居其三而河爲巨百

川輸其委而海爲宗觸山飛沫激野成澤斗槎萍轉  
蜃氣樓穹倒星辰而下麗掩烏兔而沐浴乎其中物  
產則瑤琨玳瑁砮磬蠙璫精璆竹箭玉潤碧鮮靈卉  
蘆薈瑞木連蜷瓊禽誕獸棲戢其間採銅於山熬波  
於川再熟之稻八蠶之綿篚筐包匭揭駟駛舩則壤  
成賦指

京畿而飛輓維虔昔

仁皇帝六御六龍行慶施惠於逸防奢遇豐圖匱斯

雕爲樸經經緯緯沛膏澤於一遊準時邁於五載有  
舉必書昭示來世唐哉皇哉故足四三皇六五帝諒  
天緯乎八靈汁道揆乎萬禩豈彌文云爾哉

皇帝扶金鏡炤珠囊懷朽索敞明堂繩

武揚烈德博化光祇祇畏畏於羹於牆

臨御三十載晷緯昭應岳瀆貢祥內修外戢協氣旁  
翔醇醇悶悶胥登乎仁壽之域而遊慈惠之鄉有江  
介耆萌農隱進而稱曰明憲度者樹風聲於遐聽厘

痼瘵者通呼喩於窮閭古哲王闢門廣迪懸器徠謨  
惟憇下情鬱室懣清問而乘日之車故崕峒稅駕具  
茨問塗懷柔賡於周雅肆覲紀於虞書今

聖上斟範酌典惕逸防樂曩者我儕小人輸蒸藿之  
忱企雲霓之焯而跂而翹較望歲而彌恪

皇帝忘九重之尊凡三幸焉瑣瑤池肆璿臺日昃弗  
遑俟我婦子之求寧求莫夫衷高厚者何地而弗尊  
屬毛裏者何時而弗親何睽

天顏之色笑至遠曠於三春於是方鎮牧伯覲情代  
陳匪詭匪飾達於

楓宸

天子迺敕司天練良日豁

瑶庭啟

璇室穆穆離離淵乎欣悅奉

金輿而緩轡升

玉軼而傳蹕命燭龍兮司炬速屏翳兮清拂常伯陪

乘金吾奮節

屬車九九聲髦戴鵠駮桐鼓以警衆護璫弩以騰軼  
六閑驤驤箭雲膠葛偈幢飛鈴金鉞玉鉉立元弋以  
暢威建通帛以昭質縱鱗旂之萃麗綴葩璫之綢突  
旭旭煒煌玃天門而捎雲闕百辟庶尹七萃之士咸  
戒徒御飭行理宿眷糧斯整軌肅肅習習冀侍  
裕輅覩新猷之斐韡也

皇帝念興衛盛則繁糗精師徒雜則騷衡閭方展風



宣義引養引恬杏花萼葉勸相停驂王者無外而奚  
鹵簿之是嚴令鵷班虎旅足供指使視往者而十減  
四三時則

天閭詆蕩瑞旭曨曨青陽執規而舒燠翠條拆冰而  
向融玉河之斯乍泮桑乾之溜初衝

巡黃圖於三輔若湛露之滋震殿最課岳牧壺漿迎  
澤農周度乎三十六淀醞釀乎二十四風是舉也

上以

慈壽曰隋承歡燕衍合萬國之心極

尊養之善葆和裕安益篤繾綣謂郵堠之勤神理

龍舸而屏

鳳輦斯

大孝不匱視無形聽無聲以惇風教之本也遂迺候

銅烏牽百丈權謳沸川縠紋揉漿江斐弄珠以娑姁

川后推波而歛悅金鱗喁噉以承流沙禽由衍而依

仗錦纜牙檣導翠濤而徐上淑景韶妍溫飗駘蕩歷

兩戒之河山圖蓋地而恢廣沛沛悠悠越堯達徐黃  
龍蜿蜒以蠖蟄冰夷奎踞以潛軀踰淮陰駐江都肅  
舠瓜步移楫姑胥

龍宮汨越

鳳館澶漫觚棱翕施陞道屏顏雲蔚霞駁曠况斌頒  
旗亭聯絡帶閬通闌巨僧國賈弼薈殷闕獻琛供賁  
航海棧山笙歌輦舞協律森至細聲遏雲巨音沸地  
案衍駢田鱗胥羽胎更僕指陳難悉一二殆將以獻

媚茲之誠而樂鼓腹含哺之治然而

上方昭節儉察息耗申舊章攬樞要調窮匱厲黷校  
崇樸返淳敦讓勸孝與夫所以續承

前徽光對

穹昊者進封疆之臣而

詔之爾迺竹蒿爲宮魚稻是饌泛鷗鷺之鄉涉楊柳  
之岸鳩鷺課蠶鷗鵲促佃耒耜而刷烟塍添梯而綠  
雪練春陽煜其重光瑞靄紉其復旦衢舞山呼爰格

童州傍

輦路之紆舒羌不止而不變謂自壬午以來瞻依寤寐之私至今日而差慰夙願由是撫轡勾吳稽程於越慨銀濤之孤忠溯錦衣之曩烈佇奇觀於曲江歛洪濤之溷汨狀如軍行銜枚而衝突聲如雷鼓奮廊以嘈囂蓋駭逸於龕赭者一綫乾端坤倪實呈露而軒豁天子於是侑然軫禪海務滌源將揚波永恬嘉惠元元紆

清蹕而莅平鹽官其地則七郡上游三疊左隘滯中  
鹽之積渾慮北徙而衝潰長隄豁險倚若徑塞其塘  
則築薪駁駮峭石嶮介雁翅魚鱗岬嶂迢遞迤鹽倉  
之東西演百有餘里矣央而相逮迺發中帑靖軒波  
揆凹凸建陘阨束茅紉葦網溜截澗螭碑矗巔鷺堠  
嵯峨馬銜蕙而踣僂蝸像駢於盤渦納來宏往萃榮  
潭沲瀧流委聚視禹功而尙多且夫觀民而設教者  
登閔之茂理也委海而源河者灑滂之隆軌也繫河

與淮合也繫蓄漕關漕運安瀾上策密移

睿算而因地制宜疏泄衛捍允猶所及勲彌煥焉爰  
涉朱方畧白下延勝江山采俗原野十二蒼龍魚魚  
雅雅修仲春之令典指河壩而駐馬命司空召司徒  
舉菱槌石鑿鼓紉鼓擴清口之戶抉雲梯之淤增高  
堰若削壁倍六壩如環郭引洪澤爲巨浸攝顛倒之  
天吳荆山塗山鼉鼉是桴迤迤邐邐遙莫者三十六  
湖複牖鱗次置吏設夫以時啟閉期罔或渝賈航商

艦萬舳千艫擎波容與扣枻喁于陽侯支祁戢其跋  
扈飛星五老告其祥符斯又始勤永佚建非常之原  
而懷永圖也若夫煬紫望卹耆耄農獎力田廩給在  
告木鳳所銜金雞赦報進鄒延枚授簡待詔肅俎豆  
於

孔林姬醇德之隆邵蘇世牖民

奎章炳乎謨誥大禮成純懿耀旋

法駕渙大號祈父太常奉引前導奏中和太和之樂



陟制麋坐乎庭燎越翼日用特格於

清廟晉嘏

慈幃彫禩轡乎四隩迺邇諧變莫不以手加額推

天子之建五奉三孝乎惟孝當是時也寰宇洽百度

舉嘉穀登穰吏民安堵康娛春臺語語處處東夷西

羌日南北戶烏桓鮮卑洞胸反股蒲類莎車翎侯五

部拖裳解辮之種條支大秦之賈德洽於撈玉之河

威憺於庭駒之土山經海志之所不能周大章暨亥

之所不及步水震陸驚回面頓詣屬都護請侍子控  
飛轡而南車是指故般般足足爲難馴也昭靈契而  
遊乎郊市然則洪鬯之德邇隆之治義軒僅足推轂  
而子姒未可接軌也侯不暉哉遂作頌曰

皇運洪祚自作元命載德惟世以

聖纘

聖率土攸攸執古醇聽所其無逸萬方表正

帝庸省方衡律量同而疇而服而賈而通愉愉煦煦

示治以沖明德惟馨格於

昊穹

皇秉中和孝養以志婉婉

安輿

躬扶玉轡

慈顏安念申錫懿類覃及嘉師驟然飮賜翁河長瀆

天子自遵仁壽蒸洽醲化若醇熙熙耆衆色思其馴

臣作頌聲敢繼四巡